

H. N. Zool.
III
3820

4° Zoolog ~~705~~

III 3820

SUB Göttingen
114 710 058

7



D. JO. FRID. BLVMENBACHII

PROF. MEDIC. ORDIN.

SOCIET. REG. SCIENTIAR. GOTTING.

ALIARVMQVE MEMBRI

SPECIMEN
PHYSIOLOGIAE COMPARATAE
INTER ANIMANTIA
CALIDI ET FRIGIDI SANGVINIS.

GOTTINGAE

APVD JO. CHRIST. DIETERICH.

MDCCLXXXVII.

D. JO. TRID. BLUMENBACHII

1798. MEDIC. GERM.

SUBST. MED. ET MATER. MEDIC.


LIBRARY OF THE
MUSEUM OF NATURAL HISTORY

SPECIMEN

PHYSIOLOGIAE COMPARATAE

LIBRARY OF THE
MUSEUM OF NATURAL HISTORY

ANATOMIA



1798

COPIES

AND JO. CHRIST. DIETRICH

MCCCLXXXVII

VIRO ILLVSTRI

SVIQUE AMANTISSIMO

CAROLO BONNET

ACAD. REGIAE SCIENTIAR. PARISINAE
SOCIETAT. REGIAE SCIENTIAR. GOTTINGENSIS
ALIARVMQVE ACADEMIAR. ET
SOCIETATVM MEMBRO

D. D.

AVCTOR.

17

SPECIMEN
PHYSIOLOGIAE COMPARATAE

INTER ANIMANTIA
CALIDI ET FRIGIDI SANGVINIS.

Cum bina grauissima physiologiae capita quibus a pluribus inde annis nulla alia curiosius indagata nouimus, alterum nempe *de calore animali*, *de reproductione* alterum, ad principes pertineant differentias quae calidi sanguinis animantia et frigidi intercedere constat, ita vt reproductionis vi mirum quantum excellant animalia frigida; calor vero iste insignis natiuus e contrario alterius ordinis animantibus proprius sit; vtrique disquisitioni non nihil luminis affundi posse sperabam, et quod CURII apud CICERONEM prouerbium innuit, vna fidelia plures dealbare parietes, si in vniuersum physiologicam instituerem comparisonem calida inter et frigida animantia, ita vt posteriorum praesertim oeconomiam prosequerer et in quo maxime ab ea calidi sanguinis animalium abhorreat, notare: quod quidem institutum praeter finem istum principem aliis quoque modis fructuosum videbatur.

Ab altera enim parte eiusmodi comparatione inter diuersi ordinis res naturales nouae subinde elucescunt rerum facies; relationes, affinitates, quibus inuicem cognatae sunt etc. Ab altera vero, curatiore indagine differentiae quae oeconomiam animale eorum quae diximus diuersorum ordinum intercedit, certius definiri poterit, quatenus ab experimentis in frigidis animantibus captis ad humani corporis physiologiam valeat consequentia, cui non satis circumspecte nimis indulgisse nuperos nonnullos viros clarissimos, maxime de cordis motu, et de irritabilitate, et neruorum actione, et opii effectibus disputantes, compertum habemus.

Denique autem in vniuersum eorum praesertim animalium frigidorum, quae ideo quod pulmonibus respirant proxime ad calida accedere dicenda sunt, *amphibiorum* *) scilicet, physiologia curatiorem paulo disquisitionem mereri videbatur, quod ea zoologiae pars haecenus omnium maxime neglecta et inculta iacet.

Vti enim per se facile intelligitur in praesentiarum quando de frigidis animantibus sermo est, non de exsanguibus, vt veteribus insecta audiebant et vermes, agi, sed de iis quae frigidum quidem, at tamen purpureum vitalem laticem venis contentum gerunt: ita ex his iterum amphibia maxime ad eam de qua agimus comparationem elegi, quod eae quas modo citaui oeconomiae animalis insignes differentiae in his tanto magis mirandae videantur, quo propius cetera corporis eorum fabrica cum ea calidorum animalium conuenit.

Cum

*) Hodienum vix amplius monitu opus erit, *amphibiorum* nomine, systematico sensu non nisi reptilia et serpentes comprehendi; neutiquam vero pisces sic dictos cartilagineos, a meritisimo LINNAEO parum ad naturae veritatem a reliquis piscibus diuulsos et amphibiorum classi insertos. —

Cf. Cl. BROUSSONET in *Mém. de l'Ac. des Sc. de Paris* a. 1780. pag. 679 sq.

Cl. CAMPER in *Schriften der Gesellsch. naturforschender Freunde zu Berlin* Vol. VII. P. II. pag. 197 sqq.

Cum vero non nisi nostratia amphibia viua mihi adhuc secare aliisque experimentis subiicere licuerit *), per se quidem ratio patet quare non nisi specimen aut tentamen huiusmodi physiologiae comparatae promittere possim, aliis viris vberiore oportunitate et otio gaudentibus ditissima adhuc ne dicam spicilegia sed integras messes relinquens.

Vt vero interim vel in ipso hocce specimine ordine procedamus, quaternas sequamur classes functionum, in quas non inepte disciplina physiologica diuidi solet, vitalium scil., animalium, naturalium, et genitalium; initium faciundo ab ipsis *vitalibus*, vtpote circa quas summam iam et principem calidorum animantium a frigidis differentiam versare, in aprico est.

Et primo quidem in vniuersum amphibia, sane nostratia, si cum calidis animantibus comparaueris, pro portione corporis longe parciore scatent sanguinis quantitate, quare etiam carnes eorum magis albescunt, viscera autem nonnulla, et maxime quidem pulmones, qui in calidis tam ingenti sanguinis copia ebrii sunt, in amphibiiis vel ex eo quidem capite mirum quantum ab istis abhorrent.

Periculum feci in *lacertis palustribus* quarum 24 adultas et vegetas, et iunctim vnciam vnā cum dimidia pondere aequantes, primo vere recenter captas eo fine viuas dissecui, vt sanguinis in ipsis contenti copiam metirer, cuius vero ex omnium ac singulorum vniuersis corporibus non vltra binos scrupulos cum semisse elicere potui. Adeo vt hoc exiguum sanguinis pondus ad vniuersam corporis molem se habuerit vt $2\frac{1}{2}$ ad 36, cum in adulto et vegeto homine eius ad corpus ratio sumi soleat vt 1 ad 5.

Memo-

*) Maxime quidem ex ranarum genere *bufonem*, *bombinam*, *temporariam*, *esculentam* et *arboream*. ex *lacertis agilem*, *palustrem*, *lacustrem*, et

salamandram, ex serpentium vero ordine non nisi *colubrum natricem* et *anguem fragilem*.

Memorabile etiam, arteriosum amphibiorum nostratum sanguinem, quantum nempe sensibus assequi mihi licuit, vix ac ne vix quidem a venoso differre *), ita vt non nisi vasorum quo continentur situ et directione alter ab altero distingui possit, cum e contrario animantibus mammalibus arteriosus floridior sanguis tam notabiliter a tristi venoso differat; nisi nempe balneo aliove calido medio aliquamdiu detenta fuerint, quo quidem, ex elegantissimis cl. CRAWFORDI **) experimentis efficitur, vt et venosus sanguis minus sensim minusque obscurus propius ad arteriosi viuudum ruborem accedat.

Eademque et ratio fetus, vterino animali balneo submersi, esse videtur, cui itidem vtriusque ordinis vasorum sanguinem parum ab inuicem colore differre nouimus.

Inter ipsa vero amphibia aliter comparatum est cum testudinibus, vtpote quorum venosum sanguinem eadem vt in calidis animantibus ratione nigrescere, arteriosum vero floride rubere, curati obseruatores testantur ***).

In vniuersum vero nostratibus amphibis sanguis pro nutritionis eorum ratione varii coloris: pallidior scil. ieiunantibus, intensius rubens bene pastis; hicque e sectis venis exceptus et atmosphaerico aëri expositus, dum in vnguinosum coagulum abit, laetissime floridum ruborem induens.

Ipsa

*) Ita et de ranis HALLERVS oper. minor. Vol. I. pag. 183. „Arteriosi et venosi sanguinis nulla in ranis diuersitas adparet,, de lacerta lacustri cl. SPALLANZANI de fenomenis della circolazione, pag. 100. „Avuta si egualità di diametro, il colore del sangue venoso è somigliantissimo al colore del sangue arteriofo,, it. pag. 193. „il sangue ar-

teriofo in nulla differisce dal venoso, sia nel colore, sia nella densità.,

**) In philos. Transact. Vol. LXXI. P. II. pag. 487.

***) Primum quantum noui notante CALDESIO in osserv. anat. intorno alle Tartarughe pag. 60 sq.

Cf. MERY in Hist. de l'Ac. des Sc. de Paris avant 1699. Vol. II. pag. 210 sq.

Ipsa ceteroquin sanguinis elementa generatim spectata amphibii cum calidis animantibus satis similia esse videntur, nisi quod in istis, quando viuisectioni subiiciuntur, tantum non semper purpureo eorum latici admixtae cernantur elastici aëris bullulae, quae cum ipso sanguineo fluente vasis suis contento in orbem aguntur, ita ut illud aëreis hisce interstitiis distinctum, mercurii quasi speciem aemuletur, in thermometro vitato male interrupti *).

Longe aliter rem se habere in calidis animantibus sanis, iam inter omnes constat; sanis iquam, utpote circa quae omnis physiologia adeoque et praesens disquisitio versatur. In morbosis enim cadaueribus, aegrotorum qui singulari sanguinis diathesi laborarunt, subinde venas sanguine suo inique plenas, et aëre elastico passim distinctas reperiri, non adeo insolens **). In recte contra valentibus, etsi satis multo aëre scateat sanguis, quem trigesimam circ. vniuersae massae constituere partem autumant, is tamen purpureo latici intime admixtus, subactus et ita dissolutus inhaeret, ut non nisi artificio aut stagnatione exinde extricari et elastica aërea forma exhiberi possit.

Circulationis phaenomena in vniuersum amphibii cum calidis animantibus communia sunt, et satis superque satis nota, cum ipse ille mirandus in orbem motus uti omnium primo a magno MALPIGONIO in ranis ad oculum obseruatus et descriptus fuit, ita et hodieque in iisdem animantibus vulgo oculis vsurpari soleat.

Obiter tamen tangere hac occasione liceat quaestionem saepe agitatam, num scil. cruoris globuli quando maxime angusti luminis ramu-

*) Ita et in *testudinibus* CALDESI l. c. pag. 64. cf. REDI. oper. ed vernac. Neap. 1778. Vol. VI. pag. 32 sq. In reptilibus nostratibus vulgata res est.

**) Cf. v. c. GESNERI *biograph. academica Gottingensis*. Vol. I. pag. 155 sq.

ramulos percurrunt vaforum, figuram *mutent*, exque sphaericis ouales fiant?

In calido animanti eiusmodi mutationem vnquam certo observatam fuisse nuspiam relatum legi, mihiq; ipsi neque in ouo incubato (quo calidi sanguinis motum elegantissime et luculentissime contemplari licet, et quidem in gallinaceo ouo praesertim quinta et proxime insequentibus diebus) neque in lacertis aut ranis vnquam vere ouales globulos videre licuit, in postremi tamen generis animantibus, ranarum nempe mesenterio eam globulorum ex sphaericis in oualem mutationem sibi visam esse asserit b. REICHEL, elegantique icone exhibuit *).

Quanquam vero de tam curati observatoris asserto vix dubitare licet, de eo tamen adhuc haesitamus ambigui, an eiusmodi figurae mutatio naturalis dicenda sit, ane potius spasticae contra naturam vasculorum constrictioni tribuenda, qualem sane animalculo, tantis cruciatibus in LIEBERKÜHNII equuleo afflicto, contingere posse, quivis facile concedet.

Cordis motum quod attinet, in nostratibus amphibiiis vna saltem aure vnicoque ventriculo constantis, is quidem alterno rhythmico quo auris ventriculique constrictiones et relaxationes se inuicem excipiunt cum simili systolica et diastolica vicissitudine in bigatis calidorum animalium auribus et ventribus conspiciendis conveniunt.

De systolica quidem ista constrictione generatim quondam quaesitum est, an ventriculi cordis vere breviores in ea fiant ane tantum angustiores? et priorem quidem sententiam hodiernum curatissimis observationibus tam in calidis quam in frigidis animantibus evictam novimus, in nullius vero vnquam animantis corde idem luculentius et omni exceptione ac fallaciae suspitione, maiore evidetia

*) v. El. de sanguine eiusque motu experimenta. Fig. III. g. g.

dentia vidi et admiratus sum, quam in colubro *natrice*, cuius serpentis quandoque specimina bicubitalia ex vicinis siluis, maxime ex monte Pleffensi allata accepi, in quorum viua sectione ventriculum quauis systole ad binas integras lineas breuiorem reddi, saepissime obseruaui et commilitonibus obseruandum exhibui.

Perfekte quoque et plenarie euacuari eiusmodi systolica contractione ventriculum, ita vt ne hilum quidem cruenti laticis ex aortico ostio in eundem relabatur, tam in hocce colubro quam in ranis et bufonibus toties luculenter vidi; aequae ac in pullo incubato quintae maxime ad octauam diei. Quatenus vero idem et de humano corde aliorumue mammalium praedicari possit, numue valvulae semilunares aliquas propulsae vndae sanguineae guttas intercipient et in ventriculos repellant, haftenus decidere non audeo.

Eidem colubro pericardium quidem insigne est et satis robustum, cum ipsa tamen pleura laxo celluloso contextu nectitur et quasi confluit, vt vtrumque iunctim spectatum fere duplicem eiusdem membranae laminam constituere videatur.

Similis in eo erinaceo, de cuius pericardio plurimi anatomicorum ambigue pronunciarunt, aliqui nude ipsi illud denegarunt; ex quibus BLASIUM, PEYERUM, et nuperum OCTAVIANUM TOZZETTI nominasse sufficiat; repetita vero horum animalium anatome fontem dissensus facile detexi, in laxa et tenerrima pericardii eius textura qua a vicino mediastino proficiscitur, ponendum.

Iam ordine excipiunt cor pulmones, partes vt in vniuersa oeconomia animalium sanguiferorum, ita praesertim in comparatione de qua agimus, maxime memorabiles, cum eorum fabrica et functio ad principalia pertineat capita diagnostica, quibus amphibia a calidis animantibus differunt.

Molem si spectes, amphibii pulmones sunt vegrandes. Et maxime quidem ingentes testudinibus et *chamaeleonti*, sed et nostratibus amphibii insignis, si cum calidorum pulmonibus comparaueris, magnitudinis.

Quo maior vero eorum ambitus, eo laxior et rarior eorum textura.

Polyedricis namque et fatis magnis constant cellulis in ranis et bufonibus, item in lacerta *agili* et *salamandra*.

In vesicam oblongam abeunt in lacertis aquaticis, *palustri* aequae ac *lacustri*.

Vnicum denique faccum in totum cauum et insignis magnitudinis constituit pulmo *natricis*: et vt ex aliorum anatomicorum consensu patere videtur *) serpentium in vniuersum omnium. Et quidem quem dixi colubri pulmo iste faccatus pedem Parisinum longitudine excedit: superius et quidem longius eius dimidium crassiores offert parietes interna sui superficie elegantissime reticulatos, fere intimae membranae ventriculi secundi ruminantium habitu comparandos; inferius vero s. posticum dimidium idemque paulo breuius non nisi vesicae membranaceae speciem prae se fert.

Diuerfissima adeo amphibiorum pulmonum compages ab ea calidorum animalium quibus ea viscera etsi leuia et itidem quodammodo spongiosa aut cellulosa dicenda, attamen si cum istis comparantur longe magis compacta et ex innumeris minutissimis cellulis bronchialibus, tenerrima tela cellulosa vulgari inuicem connexis, contexta. Ita vt si mammae quoddam cum amphibio eiusdem circ. magni-

*) Cf. v. c. COITERI *observ. anat. chirurg.* pag. 126. CHARAS *nouvelles experiences sur la vipere* pag. 39. ed. Paris. 1672. TYSON in *philos. Transact.*

No. 144. pag. 30. Tab. I. Fig. 1. Tab. II. Fig. 4. SEBA *thesaur.* Vol. II. Tab. CIX. Fig. 1. 3. 4. 5.

magnitudinis comparaueris, vespertilionem *murinum* v. c. cum rana *bombina*, huius pulmones ambitu quidem eos vespertilionis excedent, cellularum vero perexiguo numero infinitis modis his ipsis inferiores existent.

Vti vero calidorum pulmones minutie et ingenti numero cellularum eos amphibiorum mirum quantum superant, ita longe magis adhuc et fere citra omnem comparationem stupenda qua abundant vasorum sanguiferorum copia, id quod tum nudus habitus recentium in viuidis vtriusque ordinis animantibus pulmonum, tum microscopica indagatio, quando felici encheiresi liquido colorato intima penetrante ea vasa repleta sunt, docet.

Quanquam enim tunc et amphibiorum pulmones miranda vasorum reticula dense contexta monstrent quae cellularum parietes eximia pulcritudine pinguant, numero tamen eorum et ramificationum per repetitas diuisiones subtilitate, ipsius armati oculi aciem denique fugiente, qua calidorum pulmones tunc ceteris paribus superbire cernuntur, longissime superantur.

Ab altera vero parte amphibiorum pulmonibus singularis concessa est praerogatiua, qua humani et aliorum mammalium destituuntur, tonus nempe et energia peculiaris, cuius virtute aperto etiam thorace et si externo exposti sunt aëri, turgentes tamen et stabiles sese sustinere possint *), cum mammalium e contra pulmones simulac sternum remotum et thoracis cauitates apertae fuerint, collabantur et desideant.

Quid quod et studio compressus testudinum viuæ section subiectorum pulmo proprio impetu denuo se ipsum inflare possit **).

B 3

Imo

*) MORGAGNI *adversus anat.* V. 29. cfi elegantia in testudine apta experimenta, in Parisinorum acade-

micorum *hist. des animaux* P. II. pag. 194 sq.

**) COITER l. c. pag. 127.

Imo vero constat testudinem cui inferius scutum (quod his animantibus sterni locum tenet) ablatum erat, aperto ita thorace et pulmonibus aëri expositis, per septiduum tamen superuixisse *).

Causa huius virtutis vix aliunde quam ex vita horum viscerum propria deriuanda videtur. Cum neque ad contractilitatem, neque ad irritabilitatem, neque ad nerueam vim villo modo referri possit. Texturae enim vere musculosae non magis quidquam in amphibiorum pulmonum superficie detegere potui quam in iis calidiorum animalium, quibus nimis liberaliter irritabilitatem tribuere videtur nuperrimus de eo argumento auctor cl. VARNIER **).

Vfus vero istiusmodi vitae propriae in amphibiorum pulmonibus adeo conspicuae, facile patebit consideranti concessam esse eandem eiusmodi maxime animantibus quibus aut valde imperfectus et fere nullus est thorax osseus, aut idem ab altera parte plane immobilis.

Istiusmodi contigit ranis et bufonibus, qui costis in totum destituuntur.

Immobilis vero testudinibus tantum non omnibus (si nempe fortassis paucas species membranaceas ***) eximere oportet) vtpote quibus vniuersa totius trunci tegmina immobilia sunt, adeo vt neque thorax neque abdominale prelum easdem ad respirationis negotium partes subire possint, quibus in calidis animantibus funguntur.

In vniuersum singularis et artificii plenissima pulmonum in amphibiiis fabrica aperte testatur magnas vtique esse et in hocce animantium ordine horum viscerum ad oeconomiam animalem partes; etsi nondum satis pro dignitate inuestigatas.

Praeter

*) MERY l. c. pag. 177.

**) In *hist. de la Soc. de médec.* a. 1779.

***) Cl. SCHNEIDER *Naturgeschichte der Schildkröten* pag. 312. 330. item praet. pag. XLII.

Praeter respirationem enim ad faciliorem natationem multis prodesse satis certum.

Multis quoque ad vocem edendam. multis inquam; nam aliquae eorum species, etiam ex nostratibus, quantum noui plane mutae sunt: vt *salamandra*, lacerta *agilis* et anguis *fragilis*, aliae non nisi raro et maxime quando in periculo versantur vocem edunt, vt lacertae *aquaticae*: similes in eo *talpae* et *lepores*, qui itidem non nisi extrema vrgente violentia ipsis illata vociferantur.

Quae vero de nonnullis mammalibus feruntur ea quibusdam saltem in regionibus obmutescere, vt *canes* in plurimis Americae plagis, ea et de amphibiiis passim relata legimus, vt de *ranis* quas per plures Russiae asiaticae regiones mutas esse asserit vir praestantissimus GER. FR. MÜLLER *).

Ipsa vero respiratio amphibiiis inaequalis est et rara, et longe magis quam in calidis animalibus arbitraria, neque hactenus cum perpetuo isto et alterno respirationis calidorum rhythmo comparanda.

Omnes quidem quamdiu vigiles sunt passim spiritum ducere videntur: et quidem omnium frequentissime testudines, cum et marinas non diu sub aquis demergi sed per satis breuia intervalla ad oceani superficiem ascendere et nouum aëreum pabulum haurire constet. Neque absimilis sit ratio lacertarum tam *palustrium* quam *lacustrium* quibus vbi altiore eas vase aqua pleno detinebam per satis breuia intervalla sursum natare et spiritum ducere necesse erat.

In vniuersum vero amphibia longe diutius quam calida animalia tum respiratione carere tum in vitiato aëre indemnita persistere possunt.

Nam

*) In *Sammlungen Russischer Geschichten*. Vol. VII. pag. 123.

Nam de ipsis quas modo citavi testudinibus constat, colligatis eas arctissime mandibulis et cera sigillari obsignatis earum naribus, nihilominus tamen ultra integrum mensem vivere posse *).

Et eodem referre liceat aenigmatica ceteroquin neque tamen inficianda exempla *bufonum* passim vel in mediis arborum solidarum truncis, vel quod magis adhuc mirandum et fere incredibile videri posset, in media marmoris mole aut in aliorum lapidum quasi meditullio repertorum **).

Tum vero et amphibia tam fixum quam phlogificatum aërem longe diutius quam calida animantia tolerare possunt.

De fixo experimenta institui in celebri antro Pymontensi, et constanti euentu vidi *columbas* vix in vitam restitui posse si in alterum vsque horae minutum in eo fixi aëris mari detentae fuerunt; *ranas* vero ad sextum et septimum imo ad nonum vsque minutum eidem atmosphaerae immerfas tamen posthac iterum ad se rediisse ***).

Quan-

*) MERY l. c. pag. 176 sq.

Cf. BAGLIVI *diff. var.* pag. 460. ed. oper. Lugd. 1745.

**) Ex numerosis vtriusque generis exemplis pauca citasse sufficiat.

Cf. v. c. autoptes LUDIVS *lithophylac. Britann.* pag. 112.

LE CAT ad. ALLEON DU LAC in *Mélanges d'hist. nat.* Vol. III. pag. 95 sq. *the Gentleman's Magazine* Vol. XXVI. 1756. pag. 74 sq. 240 sq.

GUETTARD in *Mém. sur differ. part. des Sc. et arts.* Vol. IV. pag. 615 sq.

Hist. de l'Acad. des Sc. de Berlin a. 1782.

Plura citarunt HALLER *de c. h. fabr. et sancti.* Vol. VII. pag. 151 sq.

Cl. KAESTNER praef. ad version. vernac. actor. Holmienst. Vol. III.

***) Respondent his euentus similia tentaminum ab aliis in celebri *grotta del cane* prope Neapolin institutorum, v. c. a NOLLETO qui sua retulit in *Mém. de l'Ac. des Sc. de Paris.* a. 1750. pag. 72.

a cl. AD. MURRAY in *Svensk. Vetensk. acad. Handlingar* a. 1775. Vol. XXXVI. pag. 249.

Cl. DELLA TORRE expertus est *bufonem* per dimidiam fere horam in eo antro persistere potuisse, *lacertam* vero post quinque horae quadras, quibus in ea atmosphaera detenta fuit, adhuc vivam fuisse.

Et

Quantum vero calida animantia phlogistici aëris patientia ab amphibiiis superentur, numerosis pridem docuit experimentis cl. CARMINATI *); imo et nostratia amphibia ipsa tam lente atmosphaeram suam phlogisto inquinant, vt si alteri campanae incluserim binos *passeres*, alteri vero (eiusdem capacitatis) eodem tempore totidem *ranas*, harum atmosphaera, eo momento quo *passeres* in suo aëre iam phlogisto grauidissimo conuulsi perierunt, parum adhuc mutata erat, ita vt neque cerei flamma neque ardentes prunae in ipsam demersae statim extinctae fuerint **).

Verum et vacuo sic dicto antliae pneumaticae inclusa amphibia tardius longe obire quam calida animantia, post BOYLEI et Caementinorum experimenta toties ab aliis repetita et confirmata, tritissimum est.

Cum vero ipsa de quibus haftenus egimus respirationis organa caloris animalis focos esse principes post tot tantaque nuperorum inuenta verosimillimum videatur, opportunus hicce videtur locus proxime de ipsa natiui caloris varietate paucis differendi, quae binos animalium ordines super quibus agimus intercedit.

Videmus scilicet ea animantia quae magis compactioribus et maxima sanguinis penu scatentibus pulmonibus praedita, et tanto ad circulum sanguinis minorem subeundum apparatu instructa sunt, perpetua postquam in lucem edita sunt spirandi necessitate teneri,
loco

Et de simili quoque longiore, sed neutiquam tamen perpetua amphibiorum in eius antri aëre fixo vita, interpretor BERN. CONNOR verba de *antr. lethiferis* pag. 64. „quod *Ranae*, *Tetradones*, et alia amphibia, quae pauciores aërem ad vitam conseruandam requirunt, in hoc antro diutissime vivere possunt.„

*) De animalium ex mephitis, et noxiis halitibus interitu. pag. 96 sq.

**) Cf. post CIGNAM cl. SPALLANZANI in opusculi di *fisica animale e vegetabile* Vol. II. pag. 145 sq. vbi et VERATTI circa ea experimenta nonnullos lapsus acute emendat.

loco intemerati aëris quem inspirarunt, mephitin exspirare qua aërem ambientem et interclusum corrumpunt et f. p. simul vero insigni caloris natiui gradu gaudere, in homine circa 96tum scalae FAHRENHEITII ludente, in aliis vero mammalibus et magis adhuc in aui- bus eundem ad decimum supra centesimum et vltra superante.

Amphibiis contra, quibus non nisi ambigui, laxi, rari pulmones concessi sunt, parcoque sanguine irrorati, raram quoque et quasi arbitrariam esse respirationem qua diutissime ferri possunt: parcissime porro ea mephitin spirare; neque denique tanto flagrare calido innato, sed vix vno alteroue gradu ambientis atmosphaerae tenorem superare.

Vno inquam alteroue gradu — si nempe ea sequimur quae accurati obseruatores in testudinibus experti sunt *); in nostratibus enim amphibiis mihi quidem tentamina de ea re instituta non adeo constanti successu ceciderunt vt statuti quid exiis concludere audeam **).

Quam vero inter reliquorum calidorum animantium classes maxime humano corpori concessam nouimus praerogatiuam nuper curatius indagatam, vt et excedenti atmosphaerae ardori, natiuum calorem longe superanti, ita resistere possit, vt parum saltem alienis istis ignibus incalescat, sed perpetuo fere constitutum sibi gradum feruet; et ab altera parte intensissimos frigoris rigores aequae facili- ter perferre queat; eandem virtutem neque ab amphibiis abesse constat, vtpote quae et insigni caloris gradui et summo glaciali frigori resistere posse nouimus.

Et

*) v. cl. WALBAUM *chelonograph.* pag 26 sq.

**) BRAUNIUS in *Nov. Commentar. acad. Petropolit.* T XIII. pag 427 sq. „post plurima circa ranas instituta experimenta asserit, eas omni calore ad-

ditio carere, sed tantum calorem habere medii ambientis, neque a vitio subreptionis immunes putat, qui hisce amphibiis aliquot caloris interni gradus tribuere, independentes a fluido vel generatim medio ambiente, aëre et aqua etc. „

Et quod prius quidem attinet, in vniuersum notum est longe plurimas amphibiorum species feruidissimarum regionum incolas esse, imo vero amphibia subinde aequae ac pisces in calidis fontibus degere et quidem sponte sua eos inhabitare et bene in iis valere *).

Quid quod et inter nubem suspectarum relationum de lacertis aliisque amphibiiis quae diutissime in corpore humano viuo hospitarent, passim tamen et indubitata plane ac omni exceptione maiora memorabilis phaenomeni exempla extant **), eo magis sane admiranda, quod tunc non caloris tantum excessu, sed et, quod grauius est, mephitica quoque et vitiosa indole male affici censenda sint. Notandum tamen ea animalcula, quamdiu nempe viua fuerunt, plerumque ipsum inhabitasse ventriculum, homines vero, qui insolitis hisce et adeo molestis inquilinis laborarunt, vt crudelia ab ipsis alias excitata tormina lenirent, perpetua fere necessitate coactos fuisse, ingentem vim aquae ingurgitandi, quae ab vna parte fixum ventriculi aërem absorbere poterat, ab altera vero lacertis natium quasi elementum cui innatare poterant, praebebat.

Verum non insignes tantum calores sed et contraria ratione intensum frigus perferre possunt amphibia: cuius rei testimonio vel illud in medium proferre liceat, quod ranam *arboream* quam aliquamdiu in hypocausto seruaueram, quodam mane (d. 31 Decemb. a.

C 2

1783)

*) v. cl. COCCHI ap. cl. SPALLANZANI l. c. Vol. I. pag. 46.

**) Iterum pauca saltem citasse sufficiat:

TH. REINESII viri summi, relatio de ancilla Altenburgenfi, in TH. BARTHOLOMI Aët. *Havniens.* Vol. II. pag. 110 sq.

HARDER *apiar. observat.* pag. 89.

JO. RUD. ZWINGER in *Aët. Helvet.* Vol. I. pag. 22 sq.

BATIGNE in *Hist. de l'Ac. des Sc. de Berlin* a. 1770. pag. 40 sq.

Farraginem citator. v. ap. JACOBÆUM *de ranis et lacertis* pag. 12 sq.

PAULINI *de bufone* pag. 38 sq.

SCHROEK ad JO. HELWIG *observat.* pag. 249 sq. 272 sq.

KUNDMANN in *promptuario* p. 108 sq.

Tum in *A. N. C., collectan. Vra-tislaviensib.* et in *Commerc. litter. Norico etc.*

1783) post subito ingruens nocturnum frigus (quo vicinum thermometer ad 30° FAHR. defederat) congelatae aquae plane immerfam et eidem fere, vt insecta succino inclusam deprehendi, immobilem vt per se facile intelligitur, clausis palpebris etc. quae nihilo minus praeter omnem meam expectationem soluta sensim glacie ita quoque pedetentim ad se redire cepit, vt crura postica primo liquefcente ea glaciei parte cui inhaerebant, prima quoque mouere et quasi conuellere inciperet, capite interim cum trunco adhuc reliquae glaciei arctissime infixis, qua etiam liquata totum animalculum vegetum restitutum diu posthac superuixit *).

Similis quidem rigor amphibia quoque passim corripit quando hiberno somno sepeliuntur, tunc tamen minus mirandus, quod tum omnes in vniuersum ac singulae animalis oeconomiae functiones aut fileant plane aut torpeant, quod quidem infra paucis adhuc tangere oportet.

Interim ad alteram functionum classem progredimur, quae *animales*, proprie sic dictas, complectitur, quibusque subeundis nervosum maxime systema destinatum est.

Et heic quidem ea statim circa hoc systema differentia calida intercedit animantia et amphibia, quod in his cerebrum pro portione tam exiguum, nerui e contrario tam insignis cernantur crassitie, cum in istis inuersa potius ratione graciliores nerui maiori cerebro iuncta sint. Quae quidem discrepantia eo maioris momenti videtur, quo maior eius, quantum hactenus nouimus, per integras eas animantium ordines constantia.

Vti enim tanti quondam aestimata mensura rationis inter cerebri molem et eam vniuersi corporis, nimis inconstanti et lubrico nititur

*) Ita et de lacertis *lacustribus* DU FAY in *Mém. de l'Acad. des Sc. de Paris*. a. 1729. pag. 144 sq.

titur fundamento quam ut certi et statuti quid exinde concludere liceat; ita ab altera parte de eo magis persuademur quod amicissimi SOEMMERRINGII *) sagacitati tribuendum est, magnam et longe firmiorem esse relationem inter neruorum animantis crassitiem et cerebri eam portionem quae praeter id quod ad ipsas istorum neruorum origines pertinet, adhuc restat, quamque sensorii nomine ab ista altera distinguere licet.

Quodsi huic memorabili canoni alterum iungimus, a cl. ALEX. MONRO fil. **) magna cum verisimilitudine stabilitum, binas nempe in neruis distinguendas esse energiae species, alteram quae ipsis ab encephalo et maxime ab ipso isto sensorio accedit, alteram vero ipsis propriam et minime ab istius influxu pendentem; ex utroque sane multum lucis comparationi in qua versamur, accedere patebit.

Primo enim intuitu apparet amphibis tum crassos esse et robustos neruos, sensorii vero cerebri pro portione parum ***), — tum vero insigni ea gaudere energia neruorum propria, et in universum functiones partium in iis minus ab encephali influxu pendere, qui contra in calidis animantibus et maxime quidem in homine summus est.

Demonstrant hanc partium in amphibis energiam propriam insignes et admirandi motus tam diu in membris a reliquo corpore ipsorum resectis superstites, quorum vi v. c. toties caudas lacertis aquaticis rescissas, aut partes in quas anguem fragilem dissecueram per decem horas et ultra vividissime se mouere vidi.

C 3

Et

*) *Diff. de basi encephali* pag. 17.

Id. *über die Körperlichen Verschiedenheiten des Negers vom Europäer.* ed. 2. pag. 60 sq.

**) *on the nervous System* pag. 27. 33. 35 sq. v. c.

***) Ita et de crocodilo VESLING *observ. anat.* pag. 39.

De testudinibus cf. cl. SCHNEIDER *Naturgeschichte der Schildkröten* pag. 285 sq.

Et diu refectum crotali horridi caput adhuc momordisse narravit mihi autoptes, exercitus anglici imperator perill. GAGE.

Testudini vero Americanae demtum caput altero adhuc die tenaciter mandibulis prehensisse oblatum baculum ex proprio experimento mihi retulit britannus militum tribunus, doctissimus GARDNER *).

Eandemque vitam partium propriam et sibi ipsis sufficientem, minoremque vnius functionum classis in alteram penes amphibia influxum testantur notissima pericula, quibus testudinum truncum, capite plexum, post integros vndecim dies, imo vero tredecimo adhuc die artus mouisse **), alias vero testudines postquam cerebrum ipsis e capitis olla exemptum erat ad sextum vsque mensem tamen supervixisse ***), ranas autem euulso corde et destructis pulmonibus adhuc alacriter profiliisse, constat.

Et posterius quidem experimentum eo magis memorabile quod luculenter demonstret quam parum in his animantibus nervosi systematis actio a cordis influxu et sanguinis circulo pendeat, cum in calidis contra tam intima istorum systematum conspiratio praeualeat.

Ponderatis iam his quae de exigua sensorii amphibiorum in nervos eorum influxu dicta sunt, collatis iis quae supra de vitalibus eorum actionibus monuimus, et comparata contra cum his omnibus calidorum animalium oeconomia vitali, propius a vero abesse speramus, si, quamvis pulmones natiui caloris focum, dephlogisticatam vero aëris quam spiramus partem fomitem eius esse extra omnem dubitationis aleam positum videatur, nihilominus tamen et sensorii reactioni partes suas haud contemnendas ad sustinendum et quasi

*) Cf. AELIANI *hist. animal.* III. 28.

**) REDI *opere* ed. cit. T. II.

***) GÜLDENSTAEDT *theoria virium*
c. h. *primitivarum* pag. 74.

pag. 82.

quasi sufflaminandum in viuis animantibus phlogisticum eum processum esse, credamus.

Respondent huic sententiae testudinum exempla, quibus etsi vere igneum pabulum per floridum arteriosum sanguinem in corpus distribuatur, primo statim intuitu a venoso sanguine phlogisto graui et obscuro distinguendum, vix tamen sensibilis sit calor animalis, quod ipsis pro corporis portione ad miraculum fere perexiguum cerebrum sit concessum.

Respondent porro calidorum animantium hiberno somno sepul-
torum phaenomena, vtpote quibus eodem gradu quo sensorii eorum functio torpescere incipit, eodem quoque calorem iis decrescere constat; cum e contrario vigilibus id genus animantibus etsi frigidissimo medio expositis, eo intensius caleant interanea.

Respondent notissima phaenomena, qua nos subitaneo et momentaneo sed intenso calore quasi perfusos sentimus, sicubi ex improviso titubamus, pede in obstaculo offendimus etc., aut simili modo ex alio quoque pathemate breui, sensorium affectum in reliquum systema neruosum paulo violentius reagere videmus.

Respondent denique, vt alia taceam, ni fallor numerosa symptomata pathologica aucti caloris eiusmodi in morbis in quibus (intermerata ceteroquin respirationis officina) sensorium grauiter excitatum afficitur; imminuti contra caloris vbi sensorii energia deprimitur et s. p.

Sed e diuerticulo in viam reuertimur: iamque paucis de sensibus amphibiorum externis eorumque cum iisdem in calidis animantibus comparatione agamus.

Et primo quidem loco tactus organa quod attinet, nudis amphibiiis, qui nempe scutis aut squamis destituuntur, eorum loco cutis lubrico muco illinitur, peculiaribus in quibusdam vsibus destinato,

nato, in *calamite* v. c. vt laeuissimis corporibus satis firmiter adhaerere possit etc.

Diuerfa ab ea mucī specie alia videtur quibusdam reptilibus concessa, singulariter acris, tutaminis procul dubio loco hisce animalculis inferuiens, quo ab aliorum animantium insultibus tutiora feruentur.

Peculiaribus inhaeret cryptis subcutaneis, luculenter in *salamandra* et in rana *bombina* conspiciendis; et pro arbitrio excerni posse videtur.

Acerrimum fane esse posteriori quod dixi animalculo, proprio experimento didici, cum casu fortuito manum fauciassem quando ipforum istorum animalculorum aliquot viua tractabam et tentaminibus subiiciebam. Inconsiderate enim cruentatum digitum ori immittebat vt sanguinem ex vulnere exfugerem, linguam exin et fauces caustico quasi ardore perfundi sensi, isti simili quem laureolae corticem mansum excitare nouimus, perque plures horas superstitite.

Idem liquor est quo *salamandrae* paucularum prunarum ignibus impositi eosdem exinguere valent; etsi et his iam violenter affici, conuulsua corporis agitatione testentur: diutius vero super ipsis detenti, vt saepius vidi, moriantur. Tantum abest vt ipsas flammās innocue tolerare possint quod post fabulosam veterum famam proprio experimento asserere ausus est vir in suo quidem genere summus BENVENUTUS CELLINI *).

Similis huic de quo agimus muco et ille censendus est, qui lamellofis lacertae *gecko* palmis plantisque inhaerens edulia super quibus discurrit id animalculum, grauiter inficit.

Denique et ad eundem mucosum fontem referendus videtur peculiaris et plane specificus foetor quem plurima amphibia si irritata fuerint

*) In vita propria pag. 5.

fuerint spirant, in lacerta v. c. *palustri* et *lacustri* quodammodo similis apio petroselino recenter dissecto; in bufonibus alio etc.

Moschatum faciunt quem *crocodili* passim spirant *).

Singulariter foetentem qui *crotalis* irritatis dimanat **) et f. p.

De fine et usu horum odorum parum certi hactenus constat.

Crotalos eo halitu animalcula stupefacere s. vt vulgo dicunt, fascinare, trita quondam opinio erat, nuperos adhuc sectatores nacta, cui tamen quin subscribam, sed potius terrori panico animalculorum tribuam, quod audito crotali specifico sono quasi oestro perciti in lethales sibi serpentis fauces irruant, praeter alia vel ideo permoueor, quod autoptarum fide dignissimorum relatione compertum habeo, ipsos Indorum barbarorum borealis Americae pueros ea fraude ad capiendos sciuros et auiculas vti, vt crotalorum sonum sibilo imitantes animalcula percellant et quasi stupefaciant.

Salamandris et lacertis *aquaticis* foetor quem irritatae spirant forte insitus est vt eo aduersus hostiles aliorum animalium aggressus defendantur, fere vt de viuerra *putorio* aliisque id genus mammalibus, tum et de cimicibus nonnullis constat.

Fortassis et verno tempore ipsis inferuit venerearum illecebrarum loco; quod sane de *bufonum* alliaceo foetore verisimile est. Quodsi enim manus quae bufones feminas aliquamdiu tenuit in aquam demergitur cui bufones mares innatant, eodem fere momento vndique aduolant et digitos artissime amplectuntur.

Eate-

*) De crocodilis Americanis DE PAGES *voyages autour du monde*. T. I. pag. 41. 48.

DOBRIZHOFER *Geschichte der Abiponer* Vol. I. pag. 396.

De Nilotico cfr. HASSELQUIST pag. 347.

**) KIRKPATRICK'S *anal. of inoculat.* pag. 15. KALM, alii.

Eatenus etiam cutis plerorumque amphibiorum inter emunctoria referenda videtur, quod frequentius quam vlla alia animantium genera extimam cuticulam ponant et *naturali* reproductione, ex earum genere quae reproductiones *secundum naturam* vocari merentur, cum alia iam substrata commutent.

Et quidem maxime reptilia nostratia alepidota, ranae nempe, *salamandrae*, et prae ceteris lacertae *aquaticae*, tam *palustris* quam *lacustris*, aestiuus praesertim mensibus quauis ad minimum hebdomade tenerrimam eam et quasi mucosam epidermidem exuunt.

Serpentes dum exuias ponunt extimam simul corneae lamellam exuere vulgo dicuntur. In *natrice* vero curatius inquirens facile vidi eam epidermidis partem quae oculis praetensa est et vitrea pelluciditate gaudet, neutiquam cum ipsa oculi cornea cohaerere, sed peculiari aquula ab ea separari. Immobilis quoque est, ita vt oculi bulbus retro eam tanquam retro fenestellam moueatur et s. p.

Denique et hoc circa cutem reptilium memorabile, saepius eam colorem mutare.

Quae enim quondam fabulosis accessionibus deformata inter miracula ferebatur chamaeleontis colorum metamorphosis, eam de plurimis aliis lacertarum australium speciebus valere pridem monuit BROWNIUS *), et in nostratibus quoque reptilibus terrestribus ipse toties confirmatam vidi, maxime in lacerta *agili* et rana *arborea*. Huius quidem coloris mutationes in vulgus notae sunt. Circa istam autem obseruaui calidissimis aestatibus eam vti frequentissimam ita et viuidissimo virescente et fere smaragdino colore insignem esse, minus frequentem vero et non nisi griseam aut obscurius viridulam pluuiiali et frigidiorae aestate.

Quod

*) *Nat. history of Jamaica* pag. 462 sq.

Quod reliquos amphibiorum sensus attinet, nonnullis fane satis acutum esse olfactum, vel ea quam tetigi *bufonum* masculorum ad manum properatio quae femellam antea tenuit, similiaque id genus phaenomena testari videntur.

Quae lingua et auditus organis amphibiorum propria sunt, tanquam nimis nota sicco heic transimus pede.

De visu eorum illud saltem monere liceat, ne vnicum quidem me vnquam exemplum leucaethiopiae s. defectus pigmenti nigri, interntum oculum obducentis, inter amphibia deprehendisse, s. relatum legisse, quod vitii genus inter calida vtriusque ordinis animantia ipsumque humanum genus, indies frequenties annotatum accipimus.

Multae quidem amphibiorum species natura sua photophobae et noctu potius vagantes et victum quaerentes, interdiu vero latitantes. Aliquae tamen et lucis amantissimae, siue solaris diurnae vt *lacerta agilis* et *rana viridis*, siue et flammae candelaris vt *rana arborea*.

Chamaeleontis oculis hoc proprium, quod non vtrosque oculos iunctim in eundem axem componere necesse habeat, sed eodem momento singulos diuersa plane directione mouere queat.

De sensibus quos internos vocant amphibiorum parum adhuc indagatum nouimus.

Memoriae fane tenacitatem in serpentibus notissima iocularia artificia, saltationes etc. testari videntur, quae crotali et boae et coluber *naia*, imo et in Germania passim *natrices* docentur.

Quid quod et rariora innotuerint exempla reptilium quae subinde mirum in modum cicurata fuisse a fide dignis auctoribus memoriae proditum est, cuius rei v. c. de ipso *crocodilo Nilotico* *) et de *bufone nostrate* **) non inficianda extant testimonia.

D 2

In-

*) v. post HERODOTUM, STRABONEM etc. autoptis Jo. GREAVES's *miscell. works* pag. 525.

**) v. *Göttingisches Taschenbuch* a. 1782. pag. 100 sq.

Instinctuum vero artificialium, quibus tot mammalium et auium genera instructa nouimus, ne vestigium quidem, quantum memini, in amphibiorum vniuersa classe occurrit.

Somnus amphibiiis vix vllis regularis et statis temporibus per nycthemerum rediens, si forte a marinis testudinibus discesseris, quas rite dormire idonei testes extant.

Veternus vero hibernus nostratibus sane, et in vniuersum fortassis ad vnum omnibus, communis. Nam et de ipso *crocodilo* pridem monuit HERODOTUS et hunc aliquamdiu hiemali somno obnoxium esse.

Phaenomena huius somni ceteroquin vtriusque ordinis animalibus, calidi scil. et frigidi sanguinis, communia. Maxime in eo quod functiones systematis nervosi sopitas reliquarum sequatur functionum vniuersus torpor. Ita vt v. c. in calidis animalibus hiemali bruma sopitis eodem gradu quo sensorium et motus voluntarii seruari incipiunt eodem et cordis pulsus et sanguinis circulum languescere videamus, respirationem vero simul tantum non omnem cessare, caloremque natium ad exiguum teporem decrescere, simili fere modo vt in aduentitiis violentioribus encephali affectionibus quibus sensorii vis actiuosa grauiter deprimitur accidere videmus.

Memorable etiam illud, in quo non minus amphibia cum calidis animantibus conueniunt, quod calido hypocausto quamdiu est hiems, detenta, in totum hocce sueto alias veterno supersedere possunt, quodsi vero semel eundem inciderunt, tunc non nisi cum vitae discrimine ante diem ex eo excitari et euigilare possunt.

Facile enim *salamandras* et *lacertas aquaticas* et *ranas arboreas* totam hiemem insomnes in hypocausto transigere posse vulgo constat, idemque et inter calida animantia de *marmotis alpinis* compertum habemus.

Letha-

Lethalem vero effectum violentioris excitationis ex ipso hiberno torpore in ranis expertus est GLEDITSCHIUS *), in binis marmotis *citillis* carpatici montis et in gliribus *auellanariis* viciniae nostrae ipse accidere vidi: in hirundinibus alii.

Denique et hoc notabile, in utroque quem comparamus animalium ordine alias dari species quae solitariae, alias eorum quae gregatim hiemem torpentes transigunt. Cuius posterioris rationis exempla prostant inter calida animantia vespertilionum, hirundinum, inter amphibia vero ranarum, et maxime *salamandrae* **).

Iamque ad functionum *naturalium* in amphibiiis disquisitionem sermo deuoluitur: vbi, si a ciborum appetentia ordimur, magis inordinatam eam deprehendimus quam in calidis animantibus esse solet.

Vti enim ab altera parte ingens plerisque eorum est voracitas, et quibusdam quidem fames quasi lupina, adeo vt v. c. *salamandrae* subinde et propria stercora et humum deuorent: ita ab altera incredibilis fere diutinae inediae patientia, quam, vt tot alia vulgatiore exempla taceam ***), testudines easque vigiles per integrum sesquiennium tolerare posse, CALDESIUS grauis est testis ****). Bufones enim marmoribus inclusos heic non repeto; quod hos diutino torpore sepultos fuisse probabile videatur.

Pleraque quidem amphibia, omniuora sunt, aliqua tamen stricte singulari cuidam victus generi adscripta: exemplo ranae *calamitis* quam non nisi paucis insectorum speciebus iisque viuus adhuc vesci, nouimus.

D 3

Nullum

*) In *Mém. de l'Acad. des Sc. de Berlin* a. 1762. pag. 17 sq.

**) Cfr. AGRICOLA de animantibus subterraneis pag. 487.

***) Cfr. v. c. LAUR. THEOD. GRO-NOVIUS ad PLINIUM de aquatiliu natura pag. 38.

****) De calidiorum animantium inedia, si a torpore hiberno sopitis aut

morbo correptis discefferis, amphibiorum diutinis ieiuniis vix comparanda cf. praeter alios *diff. academicor. instituti Bonon.* (interprete BECCARIO) p. BENEDICTUM XIV. P. M. de fervor. dei beatificatione L IV. P. I. pag. 328 sq.

Id. BECCARIUS in *comment. instit. Bonon.* T. II. P. I. pag. 223 sq.

Nullum vero in vniuersum haftenus mihi innotuit amphibii exemplum quod cibum vere manducare dicendum sit. Nam et herbiuora amphibia rodunt quidem radices et fructus, neutiquam vero mandunt.

Serpentium plurimis dirum concessum est venenum, quod septica sua vi carniū digestionem promoueat, et manducationis defectum suppleat.

Et in vniuersum hoc quoque amphibia et calidi sanguinis animalia intercedit discrimen, quod inter haec vix vllum existat natura sua venenatum; nam de morbosa rabie heic non est sermo. Praeterea enim nullius id genus animantis veneno scatentis memini, nisi forte huc referenda sit suspecta hepatis vrsi *arctici* indoles, cuius esum HEEMSKERKIO eiusque sodalibus memorabili facinore in noua Zembla hibernantibus, fere fatalem et exitialem cecidisse, celeberrimo itineris socius, GER. DE VEER memoriae prodidit *).

Sed et aliquas amphibiorum species quondam iniuste pro venenatis habitas fuisse nupera curatio indago docuit, quo maxime *salamandra* pertinet, innocentissimum animal, cui inter omnia animalia maximum esse scelus, contra omnem naturae veritatem scripserat PLINIUS.

Deglutitio plerisque amphibiiis lenta.

Oesophagus mirum quantum dilatabilis, praesertim serpentibus, quibus et mandibulae iunctura male firma inuicem nexae.

Ventriculus tantum non omnibus pro portione perexiguus.

Intestinalis tubus serpentibus breuissimus, ita vt in *natrice* quatuor pedes longitudine exaequante, ternis pedibus parum longiores viderim, rectum fere, aut parumper saltim undulatum.

Vniuersa vero amphibiorum alimentaris via viscoso et tenaci muco oblita est, multifariis vermium generibus scatente.

Circa

*) v. El. *weerachtighe Beschryvinghe van drie Seylagien etc.* Amst. 1598. 4. transv. pag. 43. b.

Circa ipsam vero eorum nutritionem et hoc memorabile, quod non obstantibus plurimis et multimode variatis tentaminibus nunquam hactenus eo peruenire potuerim, ut ranas et lacertas radices rubiae tinctorum puluere saginare potuerim, et ossa eorum eo rosaceo rubore infecta viderim, quo mammalium et auium ea radice pastarum ossa facillime tingi vulgo constat.

Nutritioni maxime affinis est reproductio, et quae commodum ad ultimam functionum oeconomiae animalis classem, quae genitale negotium complectitur, transitum praebet. Parum enim a vero abesse speramus si nutritionem perpetuo etsi insensibiliter continuatam generationem, reproductioem vero eandem in partibus singularibus repetitam, rite vocari contendimus.

Et haec quidem vis reproductiua quanquam in vniuersum vix vlli animantium sanguiferorum plane denegata dicenda sit, nullis aliis tamen tam luculenter et tam insigni praerogatiua concessa est, quam plurimis amphibiorum generibus maxime ex reptilium ordine.

Vulgata enim experimenta, quibus toties constitit resectas lacertarum maxime quidem *aquatilium*, sed et ex terrestrium ordine, *agilis* *), caudas perfecte renasci, nimis nota sunt quam ut haec ea enarrare opus sit.

Verum et de oculi lacertae *lacustri* euulsi reproductioe post cl. BONNETUM **) ipse experimenta institui, quae quidem ita ceciderunt, ut quoties integrum bulbum proxime ad ipsius nerui optici in eundem insertionem exciderim, quod in ternis id genus animalculis tentavi, nunquam genuinus oculus renatus sit, cum potius ex ipsius huius nerui residua parte, albicans et solidus propullularet fungus, qui orbitam sensim replet, et sub cuius incrementum ipsae lacer-

*) v. post alios PH. JAC. HARTMANN *dubia de generat. viuiparor. ex ovo* pag. 26.

De lacertis antillar. insular. OL-

DENDORP *Geschichte der Caraibischen Mission.* pag. 97.

**) v. ER. VIRI CI. *oeuvre. d'hist. nat.* T. V. P. I. pag. 355 sq.

lacertae quasi hydropicae intumescerent et inter paucorum mensum decursum viuere desinerent.

Quarto vero eiusmodi animalculo m. Maio a. 1784 corneam primo incidebam, vt lens et reliqui humores effluerent, tuncque residuas et collabentes vacuas tunicas ita rescindebam, vt tamen exiguam portionem tunicarum bulbi communium relinquerem, quam curata indagine (exfecti nempe bulbi reliqui, aquae limpidae immersi, et armata oculo visi) vix quintam vniuersi globi partem aequare constitit.

Et huic vero animalculo proximis quidem mensibus vniuersa orbita palpebris quasi clausa videbatur, quae vero sexto circ. post ipsam eam cheirurgiam mense, iterum dehiscere incipiebant vbi tunc facile nouus iam bulbillus ex orbitae fundo emergens distingui poterat, qui etsi vndecimo post istam euulsionem mense m. scil. Apr. a. 1786, quo animal casu obiit, longe adhuc minor erat altero intemerato, ita tamen ceteroquin perfectissimus apparebat, vt auratam retro corneam iridem pupilla sua rite pertusam, luculenter distinguere licuerit et etiamnum in funere animalculi medicato liceat.

Nuper etiam de genuina *salamandra* experimenta instituere coepi itidemque ei concessam esse vim reproductricem, haftenus comperi, vt et caudae tertia circ. pars et digitus rescissus perfecte quidem sed lentissime renascerentur, ita vt post integri anni decursum insigniter adhuc a rescissarum partium primigeniarum magnitudine abessent.

Haec omnia si cum valde limitata et minus longe perfecta calidiorum animalium vi reproductrice comparantur, ingens exinde patescit differentia illa ipsa et amphibia ista intercedens; cum indies magis persuadeat, homini sane reliquisque mammalibus vix alias reproduci partes similes, quam quae vnice ex tela cellulosa constantur, et nulla alia praeter communem contractilitatem vis vitalis specie praedita sunt, ita vt neque carnem muscularem irritabilitate HALLERIANA donatam, neque nerueam medullam sensibilitate anima-

tam,

tam, neque ea parenchymata quae vita propria gaudent, vnquam haftenus in calido animanti vere reproducta fuisse credamus.

Denique paucis adhuc in functiones *genitales* amphibiorum inquirere restat.

Et quidem quod genitalia eorum attinet externa, in aliarum specierum maribus, vt in ranis et lacertis *aquaticis* vix vlla eorum vestigia occurrunt, in aliis contra, vt in lacertis terrestribus et serpentibus duplicia; quibus et femellarum genitalia ad amissim respondent.

Venus amphibis vehementissimo oestro vrgens est, ita vt et plane contra naturam copulas inire visae sint, *ranae* v. c. *bufonibus* iunctae *) etc.

Neque tamen vnquam hybridae proles ex eiusmodi heteroclita venere natae exemplum annotatum vidi. Nisi forte numerosas huc referre liceat lacertarum *aquaticarum* varietates inter *lacustrem* et *palustrem* plane medias ludentes, inque eiusmodi fossis vbi primo vere vtriusque speciei animantia degunt, facile reperiundas. Etsi enim has lacertas non vere coïre vulgo notum sit, ex ouis tamen vnus speciei ab alterius speciei masculo semine foecundatis ortum duxisse a verosimili parum abesse videtur.

Numerosissima prole pleraque excellunt eorum amphibiorum quae in aquis oua ponunt, *ranae* praesertim et *bufones*, quorum animantium nonnullae species ad millena ouula et vltra vna vice edunt.

Quantum haftenus noui, amphibia ad vnum omnia ouipara sunt.

Quaquam enim *viperarum* referente VARRONE nomen a viuo partu inditum sit, non tamen nudos foetus, sed quamuis efformatos, tamen adhuc inuolucris suis membranaceis oualibus contentos parit,

*) CHR. REICHART *gemischte Schriften* pag. 449.

parit, cum partu sic dicto sicco in humano puerperio passim observato comparandos.

Neque absimilis ratio *salamandrini* partus, cum et haec celebris lacerta tenerrimas ouales vesiculas, hydatidibus quasi comparandas in lucem edat, quibus vero integrum et vnialis magnitudinis animalculum iam luculenter inhaeret complicatum, ipso fere partus momento caudam motitans et oui sui inuolucra dilacerans ac gyrini quadrupedis forma emergens.

In eodem vero etiam paradoxo animanti et hoc maxime singulare quod pridem a WURFFBAINIO *) observatum, mihi ipsi ipsis dum haec scribo diebus oculis vsurpare contigit, femellam diutissime solitariam et ab omni alius id genus animantis consortio seclusam, ex improviso partus eiusmodi siccos edere posse. Quintus enim ad minimum agitur mensis ex quo salamandram femellam cui caudam rescideram vitro inclusam ita vnica seruo domi, vt per integrum istud spatium ne alteram quidem salamandram viuam viderim, ne dicam penes me habuerim. Et tamen nihilominus ipsissimum hocce animal solitarium, cuius quidem in tam longa inedia corporis molem mirabar, ipsis hisce diebus foetus edere incepit, quorum iam triginta quatuor viuos et viuacissimos coram video.

Bina ex memorabili ea obseruatione concludere licebit.

Primo, *salamandras* vere coïre inuicem, neque tantum vt lacertas *aquaticas* mares feminea oua dum excernuntur foecundare.

Tum vero eam *salamandris* esse naturam quam et gallinis concessam nouimus, quae scil. dummodo semel a gallo impraegnatae fuerint etsi non per integrum annum (quae FABRICIO AB AQUAPENDENTE **) sententia erat) tamen ex curatissimi REAUMURII ***) obseruatione ad quintam vsque hebdomadem postquam a gallo separatae fuerant, foecunda oua ponere solent.

Ipsi

*) *Salamandrolog.* pag. 83.

**) *De formatione oui et pulli* p. 20.

***) *Art de faire éclore des oiseaux domestiques* T. II. pag. 327 sq.

Ipsi isti pulli salamandrini caudam gerunt ancipitem, vtrinque late pinnatam, natationi egregie inferuentem, et pone nucham ytrinque appendicibus fimbriatis SWAMMERDAMII *) gaudent, quae vero adolescente aetate, qua et anceps cauda in verticillatam mutatur, euanescent.

Sed et hoc ipsum in vniuersum pluribus reptilibus ex lacertarum praesertim genere **), et ranis ni fallor ad vnam omnibus peculiare, quod formam eatenus mutant, vt alia sit gyrinis nuper natis, alia animantibus iam adultis. Cum in calidorum contra animalium oeconomia nil reperiam quod huic metamorphosi vere comparare liceat.

Incrementi terminus multis amphibiiis simili, ac inter aues et mammalia tantum non omnia, ratione, pubertas.

Aliis vero, praesertim inter crocodilos, testudines et serpentes incrementum aeuiternum, cuiusmodi perpetui incrementi inter mammalia exempla citare fortassis liceret balaenarum, quibus etiam vix statutae magnitudinis limites designari poterunt.

De vitae termino amphibiorum parum adhuc constat.

Valde serotina est et ingens longaeuitas sane multis, maxime ex testudinum ***), serpentum et crocodilorum ordine: vtpote quae ex perexiguo pro portione futurae staturae ouo excluduntur, et lentissimum incrementum capiunt, et tamen ad immensam et fere giganteam molem pertingere possunt.

* * *

Enarratis hactenus momentis principalibus quibus amphibiorum oeconomia animalis ab ea calidorum animantium differre videtur, coronidis loco subiungere liceat communia quaedam consuetaria, quibus, quo in vniuersum ea discrepantia maxime redire dicenda sit, vno quasi obtutu patefcant.

Et

*) v. *Biblia naturae* pag. 822.

**) Cf. cl. HERMANN *tabula affinitatum animalium* pag. 253. 256 sq.

***) Testudinem 125 annorum Senatae vidit cl. NIEBUHR. v. *El. Reise* Vol. II. pag. 72.

Et calidis quidem animalibus a prima inde formationis origine ad vltimum vsque vitae halitum phlogisticus vt hodie audit processus. Mammalium foetui placentae adminiculo, quae foetale phlogiston materno elemento igneo commutat. Pullo incubato porosae testae et albuminis ope, quae itidem igneo pabulo aditum, phlogisto vero superfluo exitum concedunt *). In lucem vero editis tum mammalibus tum auibus, perpetuo et alterno respirationis rhythmo.

Intimus porro huic phlogistico processui cum reliquis functionum classibus nexus, maxime cum iis systematis neruosi, vt hiberni mammalium veterni, phaenomenis quae supra tetigimus, verissimilimus redditur.

Ipsius porro neruosi systematis summa cum reliquis functionibus conspiratio, praesertim ope reactionis sensorii ab ea encephali portione pendente, quae praeter origines neruorum superest.

Ex his omnibus summus quidem functionum vigor, mobilitas summa, hinc corpus viuum infinitis modis innumerorum et multifariorum stimulorum impetui et impressionibus suscipiendis aptum: hinc prae ceteris omnibus summa hominis praerogatiua, in quo, vti, pridem obseruante HIPPOCRATE, confluxio vna, conspiratio vna, consentientia omnia, ita et omnium maximus et innumerus cum vniuersa reliqua eum ambiente creatione nexus.

Longe alia e contrario amphibiorum natura.

Phlogisticus processus nostratibus perexiguus lentissimus.

Debilis etiam in omnibus amphibis sanguinis in encephali functiones influxus.

Exigua porro parui sensorii in crassos neruos reactio.

Minor hinc in vniuersum consensus; minus vnius functionis in alteram imperium.


Minor hinc totius machinae animatae mobilitas.


Verum eo maior ab altera parte simplicioris istius vitae tenacitas, quod parte vna affecta, systemate vno afflicto, non tam facile reliqua in consensum trahantur.

In vniuersum ergo vita magis vegetatiua, reproductioni — vt per vtrumque organicum naturae regnum constat, — longe magis opportuna, quam quae altioris ordinis facultatibus, consensibus, et complicatae conspirationis subtilitate viget.

*) Pluribus de eo argumento egi in *institution. physiolog.* pag. 153.

176^e





OpCARD 201

© SUB GÖTTINGEN / GDZ | 2010